



BULTENO DE VALENCIA ESPERANTO - FEDERACIO

GRAN VIA FERNANDO EL CATOLICO, 45, 3.º * ☎ 384 96 16 * 46008 VALENCIO (HISPANIO)

Nº 31 - junio 1991

LASTAJ NOVAĴOJ PRI

UNIVERSALA KONGRESO 1993

La "Caja de Ahorros de Valencia" donis subvencion de 50.000 ptojn por la eldonado de disko, kiun memore de la Universala Kongreso 1993 kaj kun hispanaj popolkantoj faros la Esperanto-Horo "Verda Stelo" de Madrido.

La "Generalitat" de Valencio subvencios kun 100.000 ptojn. la vojaĝon de la provizora prezidanto de la LKK, Augusto Casquero al Norvegio, kie li reprezentos kaj prezentos la Universalan Kongreson de Valencio 1993. Li ankaŭ partoprenos kiel komitatano de U.E.A. en tiu U.K., anstataŭante samideanon Aragay, kio favoros la rektan defendon de nia kongreso tie.

Finanza situacio de la konto por la organizado de la UK de Valencio:

| | |
|---|----------------|
| Gis nun oni ricevis | 350.000 ptojn. |
| La celo estas atingi antaŭ la UK 1993 | 2.000.000 " |
| Do, ankoraŭ oni bezonas kolekti | 1.650.000 " |

Por tiuj kiuj deziras sendi rekte donacojn, la konto estas:

Grupo Esperanto de Valencia, UK 93

Cuenta Corriente nº 3100.537.732

Caja Ahorros Valencia. Urb. Marchalenes, 0069

c/ Málaga, 37 - 46009 VALENCIA

D A N K O N !

B I L A N C O

=====

DUA KONGRESO VALENCIA ESPERANTO-FEDERACIO KAJ MURCIO Alcantarilla, 12-14 aprilo 1991

ELSPEZOJ

=====

150 ĉemizoj je maratono 75.250 ptoj

6 radiokasedoj, unuaj premioj maratono 24.188 "

6 bulkrajonoj, duaj premioj maratono 5.400 "

Anonco ĵurnalo "La Verdad" 27.552 "

Donacoj al kunlaborantaj gravuloj 17.850 "

Divesaj elspezoj 4.681 "

Kongresaj kovertoj kaj dokumentaro . . . 1.235 "

Entute 156.156 "

ENSPEZOJ

=====

Aliĝiloj 22.000 "

Subvencio el "Caja Murcia" 35.000 "

" " "Floristería Fernando" . . . 30.000 "

Kongresaj eksterordinaraj kotizoj de
Klubanaro 30.000 "

Profito de la kongresa libroservo . . . 4.328 "

Entute 121.328 "

MALPROFITO 34.828 ptoj .

=====

AKTO DE LA DAŬRA ESTRARO KAJ ĜENERALA ASEMBLEO DE

VALENCIA ESPERANTO-FEDERACIO KAJ MURCIO

En Alcantarilla, la tagon 14an de aprilo de 1991, je la dekdua horo, kunvenis la Ĝenerala Asembleo de la Valencia Esperanto-Federacio okaze de sia 2^a Kongreso, aranĝita kune kun Murcio. Tie oni informis, klarigis kaj aprobis sekvantajn konkludojn de la Daŭra Estraro, kiu kunvenis en la sama Kongreso la tagon 13an aprilo:

OFICIALIGO DE VALENCIA ESPERANTO-FEDERACIO

Registaro de Valencia Komunumo jam akceptis la oficialigon de VEF, sur baze de kvar fondintaj grupoj. Ni pagis la rajtojn kaj atendas nun la administran inskribon por komenci leĝe funkcii.

ALIĜO DE NOVAJ GRUPOJ AL V.E.F.

La Valencia Esperanto Federacio estas malfermita al la inkludo de novaj grupoj kiuj tion dezirus kaj sukcesos en sia propra oficialigo. Nun faras tiajn demarŝojn la grupo de Cheste kaj ni atendas ke tre baldaŭ la VEF enhavos kvin grupojn.

ALIĜKOTIZO

Kiel la fondintaj grupoj havis elspezojn kiujn la novaj aliĝontoj ne havos, oni diskutis kaj decidis ke ili pagos kiel aliĝkotizon la kvanton de du mil pesetojn.

FINANCOJ DE VEF

Pri la elspezoj de VEF, ĝis nun estis ŝarĝitaj ĉefe al la Valencia Esperanto-Grupo, sed en la estonto la VEF devas havi tute sendependajn financojn kaj tial oni malfermos konton en Sparkaso aŭ Poŝtkaso, pri kio ni informos en Valencia Luno

IDENTIGA KARTO

Estas ĝenerala sento ke oni devas fari identigan karton por ĉiuj kiuj apartenas al Valencia Esperanto-Federacio.

RILATOJ KUN HEF

Ni komunikos al la Hispana Esperanto-Federacio la legan fundadon de VEF, kaj nian aliĝon al HEF kiel individuan membron.

KONGRESA TAGO

Dum la kunveno en Alakanto je septembro de 1989, kie oni decidis fondi Valencian Esperanto-Federacion, ankaŭ estis decidite kunveni ĉiu jare dum la "dua semajnofino post Pasko". Sed kiel tiu tago estas malpermesata por la ĉestanaĵ esperantistoj kiuj samtempe havas gravan feston en sia urbo, tial oni konsentas ke estontece la Kongreso de Valencia Esperanto-Federacio kaj Murcio okazos la trian semajnofinon post pasko se ĝi ne koincidos dum monato majo, ĉar en tia okazo ĝi revenos al la dua semajnofino post pasko.

VALENCIA LUNO

Valencia Luno daŭrigos sian titolon kaj anagramon sed oni devas ŝanĝi la nunan subtitolon je tiu ĉi: "Bulteno de Valencia Esperanto-Federacio"



KONGRESURBO 1992

Oni traktis kie okazos la 3^a Kongreso de VEF la venontan jaron kaj estis decidite ke tio okazu en la provinco Alakanto, eble en la urbo Alakanto sed oni klopodos fari en Callosa del Segura kaj profiti por omaĝi al samideano Zaragozá

LA SEKRETARIO

VOBO

LA PREZIDANTO



Pascual Pont

Johano Antono Gimenez

(daŭrigo de paĝo 5)

Tipa kaj bongusta bankedo signalis la finon de la Kongreso. Post ĉarma tosto ni adiaŭis unu la alian revante pri la sekvonta kongreso, organizota de niaj alikantaj samideanoj.

Ni dankas la intereson de la samideanoj de la LKK per kiuj estis realigebla la organizado de tia neforgesebla kongreso.

Alcantarilla

=====

dua etapo

=====

En Murcio rekontiĝis reprezentantoj de la esperantistaro de la Valencia Esperanto-Federacio kaj Murcio. Meniu pli taŭga loko por tiu evento ol la Murcia Regiono por la pionira aktivado de la unuaj esperantistoj, rememorante kiel plej ĉefan al Ricardo Codorniu.

Kiam la Esperanto-Grupo de Valencio atingis per luita buso Alcantarilla, la samideanoj de Murcio ricevis nin per varmaj salutvortoj en la libro-servo de la bela kaj moderna kulturdomo, aranĝita kiel kongresejo. Post koni la diversajn laborĉambrojn, ili, filmamatore, gvidis nin tra la tuta urbo por koni en la ĉirkaŭaĵo la faman araban norion kaj la kompletan historian muzeon de la tipa vivmaniero de la murcia kamparano.

La malfermo okazis en la tre taŭga teatro de la kongresejo. Tie salutis reprezentantoj de diversaj grupoj alvenintaj de Alcantarilla, Murcio, Alicante, Valencio, Callosa de Segura, Juna Suno, Bahai, ... kaj la plej ĉarma el ĉiuj, la infana fileto de Aŭgusto Casquero de la Cruz kiu anoncis la venontan Universalan Kongreson kiu okazos en Valencio en la jaro 1993. Finfine la prezidanto de VEF forte salutis al ĉiuj kaj enmetis revon kaj entuziasmon en la sango de la ĉeestantoj, konsideris la intereson de la kunlaborado per komisionoj kaj rememoris la iniciatinton de la Esperanto Movado en Murcio.

Ni ĉiuj ĉeestis interesan prelegon pri "Konsumo" finante per interesa partoprenado de la ĉeestantoj. Rekontiĝis VEF-estraro, kaj komisionoj pri "Ekonomio" kaj "Ekologio". Ankaŭ ni vidis vidbendojn pri la kongreso de Benicassim, sciigojn de TV "Canal 9" pri la disvolvado de Esperanto, Kanariajn Insulojn kiel gastiganta loko por la venonta nacia kongreso... ktp.

La sekvontan tagon surprizis nin la multnombra kurado, preskaŭ maratono, de multegaj infanoj survestitaj per ĉemizo desegnataj kun la verda stelo; sekvis disdonado da premioj, fermo de la kongreso, legado de la konkludoj, fotografiaĵo, pli da vidbendoj, poezio en Murcia lingvo, memoraĵo al Enrique Arnaŭ aŭskultante lian surbenditan voĉon pri poezio rilate al la hispana lingvo, ĉeestado kaj salutoj de aŭtoritatuloj de la loka kaj komunuma kulturo, ktp.

(daŭrigo sur paĝo 4)

Ĉiu esperantisto scias ke Esperanto ĉiam rilatas bonege kun lingvoj de malplimultoj. Sed kiam en la Kulturdomo de Alcantarilla, ni aŭdis poezion en murcia lingvo, ni denove eltrovis ke nur neŭtrala, internacia, facila kaj logika lingvo povas solvi demokratie la lingva_n problemon. Jen tie ĉi la murcia poezio:

Si la vejez es grado
murciano y esperanto
escribimos
y no me enfado
si decimos
esperanto y murciano

Tías y tíos, zagalas y zagales,
sus salúo
y paso a platical-los
qu'en er mundo
dende que s'abajó e las moreas
er primier mono súpio
que juera er yayo Adán
sigún angunos
ca cualo ha platicao
yendo a lo suyo
d'una munchá e jormas
que queando en desuso
la jueron espichando...

Los defuntos
parabreros, millones
suman uno por uno,
y aboa qu'arremata er sigro vainte
los que tién poco cudío
siguen fenequitando...

Sus puó platicar d'uno, es er murciano,
tié ya encargá la misa e defuntos,
poiqué los castiellanos der Alonso
que jué aquer que nos trujo.
la Virgen Arre-Jaca,

Siguir a una, que là idea es jampona
y si allega er día en que sus canta er cuco
d'este murciano carcamal seais
una mecina y desfrutemos trunfos...

ejó ar cudío
e las cosas e Murcia a sus zagales,
y en cuanti la espichó, con un embúo
guitaron a tuicos los murcianos
dándoles amoteo e perullos
poiqué no platicaban castiellano
y como burros
vanos estao por sigros,
queandose tan enjuto
este platicar noestro que no queamos
que lo sepan icir, cuasi denguno...

Er Esperanto es, según m'ha icío
Perete Macanás, qu'es macanúo,
una enza que arrecoge
e las jormas e icir der endividuo
la parabra mas facil y bonica
y dando a tuicos busto
risurta qu'es e tos
y e denguno...

Su fácil parabrero
s'apriende sin disjusto
poiqué es craro y cortico,
y me da er aberrunto
que quién tié que zanquear
y lo ti'escuro
por eso e la llengua e ca roal,
ar esperanto er jubo
le pué sacar dista la zape gota
y notar er arbullo
d'ir por er Mapis Mundí
sintiendose avilucho.

Facorro Sánchez Martínez

12 de Abril de 1991

Ascribior de L'Ajuntaera pa la Platica el Esturrie y
Escarculle la Llengua Murciana

Nepras por ĉiu kiu nomas sin esperantisto havi elementan konon pri la malsamaj socikulturaj aferoj kiuj ĉirkaŭas la lingvon Esperanton. Tio estas, koni la devenon kaj nuntempan situacion de la Esperanto-Movado, havi minimuman nocion pri ĝiaj artaj (ĉefe literaturaj) manifestaĵoj, ekkoni la manierojn kiel oni povas lerni kaj instrui la lingvon, krom forigi la gramatikajn dubojn...

SEMINARIO PRI ESPERANTA KULTURO

SABATE (17h-19h) Ĉe:

Esperanto-Fondajo "Fernando Soler"

Duque de Calabria, 4, 2

tel. 374.23.94


E-46005 VALENCIO

PROGRAMO LAŬ PLANO DE I.L.E.I.

- * Historio de la internacia lingvo
La problemo de la multlingveco en la historio kaj en la nuntempo. La artefaritaj lingvopianoj, la lingvo Esperanto kaj la esperanta movado.
- * Esperanta literatur-historio
Periodoj, aŭtoroj kaj skoloj
- * Metodologio de la instruado de Esperanto
Studmaterialoj, instrumentodaj konceptoj, elformigo de kapabloj kaj lerneja praktiko.
- * Gramatiko de Esperanto
La vorto, la frazo kaj la vortfarado
- * Esperantaj agadoj
Solvo de la lingva demando en mondaj kadroj kaj servo de kulturaj interŝanĝoj. Nuntempa organizo de la Esperanto-movado. Institucioj, atakoj kaj apogoj. Perspektivoj por la estonteco

PLANO POR STUDTAGO

Por ĉiu studtago, oni antaŭ-indikos konkretan temon. Jen, ĉiu partoprenonto konsultos hejme la tekston kiuj traktas pri tiu temo. Fine, en klaso, moderiganto gvidos koncernan kolokvon. Je ĉiu semajno oni pritraktos malsaman studobjekton.



Antaŭ la Rado de Alcantarilla
reprezentantoj de la esparantistaro
de Valencio, Alakanto kaj Castelló

BILD-RAPORTO
PRI LA
2-a KONGRESO DE
VALENCIA
ESPERANTO-FEDERACIO
KAJ MURCIO



Kerno de la kongreso:
kunveno de la
Daŭra Estraro de VEF.



Folkloro ensemblo kiu ludis murciajn dancojn
honorigante la kongreson.



La plej infanaj partoprenintoj
en la "maratono" estas pretaj
por komenci la kurado.



Post disdono de premioj ĉiuj pozis kun
esperanta T-ĉemizo kiu rememoras la okazaĵon.

PERESTROIKO ALPORTAS AL NI

MULTAJN PETOJN PRI KORESPONDADO

EL SIBERIO

Galina, Halina, Irena, Julia, Svetlana, Vera, lernantinoj el meza lernejo tre dankos al tiuj kiuj akceptus korespondi kun ili. Se vi ne havas tempon por daŭra korespondado, sendu bildkartojn kun virinoj aŭ infanoj en nacia vestaĵo. Eskribu al

USSR-CCCP SIBERIO - 626440

u. Nignevartovsk-6, str.60 let

Oktjabrja 6 - 135

Esperanto-Klubo

EL URALOJ

EKLERNANTINO PRI MEDICINO

kiu konfesas multege

bezoni havi amikojn,

deziras korespondi

Jelena Aljescaninova

Lenina, 36 - 8

Kasin, Tvjerskoj

SU-171.600

Sovetunio

ALIA EKLERNANTINO

PRI MEDICINO kiu

ŝatas korespondi:

214020 CCCP

2, Osmarenck

ju, Pymanyeba

g.2/54 - kb 40

Tegopobou Praprapune

EL MOSKVO, DU OFICISTINOJ

CCCP, 117279,

Москва,

ул. генерала Антонова,

д. 10, кв. 32

Ларчевой Татьяне

Jen la cirila adreso de la 25-jara Tanja, kiu skribis al nia grupo petante korespondantojn. Ŝi interesiĝas pri turismo, foto kaj kolektado de novjaraj poŝtkartoj.

Kaj tiu de 30-jara virino kiu deziras korespondi kun amikoj de 25-45 jaroj pri diversaj temoj.

Sovetunio

117279 MOSKVO

Mikluho-Maklaja, 57-1-10

Grigorjeva Irina

Pasintan 20^a de marto forpasis S-ro José-Fernando SOLER, unu el la plej konataj samideanoj internacie. Kun lia morto malaperis homo ununura, neripetbla, malsimila en ĉio al la ceteraj.

Li estis filo de unu el la elstaraj pioniroj de E-o en nia lando. S-ro José sciis transpreni inde la esperantan torĉon de sia patro Fernando, kaj de sia fratino Conchita. Sed S-ro SOLER ne nur limiĝis ellerni la internacian lingvon, ne nur li ĉeestis al ĉiuj renkontiĝoj kaj kongresoj naciaj kaj al la plimulto de la universalaj; li sciis aktive partopreni en ĉiuj kaj kompili por la historio de E-o multegajn aŭdovidaĵojn kaj verkitajn dokumentojn, ĉiuj fundamentaj por pli bone kompreni la evoluon de la monda esperantismo.

La dek du-foja eldonado de la fama lernolibro de E-o verkita de lia patro: El E-o al Alcance de Todos -ankoraŭ vivanta kun la sama forto ol antaŭ 85 jaroj-, estas alia ekzemplo aldonenda al lia kontribuo en la diskonigo de nia lingvo.

Tamen, se io diferenciigis S-on SOLER, ĝi estis lia profunda vivo interna kaj persona tiel diskreta ke tre malmultaj el ni ekkonis apenaŭ malgrandan parton de ĝi. Teknika Arkitekto kaj Telegrafisto, liaj metioj. Tamen, nur iuj sciis, ekzemple, pri liaj interrilatoj kun la teatra kaj muzika mondoj. Lia karaktero, foje polemika kaj ne ĉiam de ĉiuj komprenita, alirigis lin konatiĝi kun elstaruloj de sia profesio, samtempe ol kun artistoj tre famaj al kiuj li helpis humane kaj eĉ ekonomie atingi la hodiaŭan popularecon. Ni parolas pri famuloj tiel elstaraj kiel: Pedrito RICO, Concha PIQUER, Juanita REINA... aŭ la kantisto Antonio MACHIN de kiu S-ro José fariĝis granda amiko krom esti manaĝero de li en Hispanujo dum kelkaj jaroj farante kune kun li multenombrajn vojaĝojn tra nia lando.

Kiam la vivo de homo ĉesas, restadas tiam liaj karmemo--roj kaj agadoj ene de tiuj kiuj konis kaj komprenis lin. La homoj kiuj havis la plezuron koni kaj kompreni bone la personecon elstaran de S-ro SOLER, eklernis iom post iom trakti lin, admiru lin kaj, antaŭ ĉio, helpi al li en la lastaj jaroj de lia vivo.

Se ankoraŭ estus malmultaj liaj vastaj meritoj kaj dis--tingoj, rezultus senpardeneble ne aldoni al tiuj, lian plej grandan bonfaron kiun malkovras antaŭ ni ĉiuj lian bonecon tiel homo kiel esperantisto: la fondon en la jaro 1988 de bonfara institucio de E-o al kiu li nomis honore al lia patro: Esperanto-Fondaĵo "Fernando SOLER". Por ĝi, li donacis ekde la unua momento la plej bonajn helpilojn por kontribui, fojon pli, al la diskonigo de E-o en la mondon. Por la Fondaĵo li testamentodonacis la preskaŭ tutaĵon de sia grava heredaĵo.

Tiu ĉi helpo por E-o faros lin -sen ia dubo- esti konsiderata de ni ĉiuj kiel unu el la ĉefaj protektantoj de la esperantismo de ĉiuj tempoj internacie.

Ripozu pace tiu ĉi homo: foje polemika, foje ne tute komprenita, ĉiam malsimila kaj de ĉiuj el ni kiuj lin bone konis: neforgesebla kaj ĉiam amata!

ESTAS TEMPO POR VOJAĜI
ESTAS TEMPO POR VOJAĜI
ESTAS TEMPO POR VOJAĜI
ESTAS TEMPO POR VOJAĜI

AL POLLANDO
KUN NIA SAMIDEANO
MANOLO GARGALLO

De la 16^a ĝis la 23^a junio
88.000 ptoj kaj 2.500 ptoj por vizo.
Madrido-Varsovio-Madrido per aviadilo.
Ekskursoj per aŭtobusoj tra Varsovio, Zelazowa
Wola, Czestochowa, Wieliczka, Cracovia....
Telefonu al 341.55.18

=====

GEJUNULOJ!!!

ĈEĤA JUNULARO INVITAS VIN

VINA SEMINARIO en urbeto BZENEC - suda Moravio
inter la 12-a kaj 15-a de septembro 1991
Partoprenkotizo inkluzivas ĉion: 80 DM
Aliĝu al Ĉeĥa Esperanto-Junularo
Jana Burlanová - Smeralova 35
62500 BRNO - Ĉeĥoslovakio

DU INTERNACIAJ ESPERANTO-KURSOJ por gejunuloj EN PRAGO,
kiuj intencas kunigi samtempe instruadon kaj feriadon
1.- de la 29-a junio ĝis 6^a julio
2.- de la 6^a ĝis la 13^a julio
en KLANOVICE, ripoza praga kvartalo, 30 minutoj for de
la urbocentro. Kotizo kovranta ĉion: 175 DM - Aliĝu al:
Ĉeĥa Esperanto-junularo, Jilska 10, CS-11000 PRAHA 1

SE VI ESTAS
VEGETARANO KAJ NEFUMANTO,
IRU AL PARIZO!!!

Juna paro gastigas vin en malgranda triĉambra
apartamento kun tre favoraj ekonomiaj kondiĉoj
Skribu al Eric BENECH & Dani SOTTAS
159, rue Marcadet F-75018 PARIZO

VIZITIS

VALENCIAN ESPERANTO-GRUPON

TRON ØGRIM

Norvega esperantisto kiu sekvis en Valencio kurson pri Kastilia Lingvo, ĉar intencas labori en Sud-Ameriko.

En iu tempo li laboris en bierfabriko, sed ĝia sindikata aktiveco prenis nun lian tutan tempon.

Lia konversacio estis tre interesa kaj amuza ĉar li tre bone konas la socialan kaj kulturan vivon de multaj popoloj.

GRAVA AĈETINDA VIDBENDO

=====

Komisiono de Europaj Komunumoj eldonis VHS/PAL vidbendo en Esperanto pri la HISTORIO DE EUROPO.

Estas grava okazaĵo por ekkoni nian komunan europian identecon kaj fari tion per vere komuna lingvo.

Eskribu al J.P. Liefbrig

Médiatheque CCE

Komisiono de Europaj Komunumoj

Rue de la Loi, 200

B-1049 BRUXELLES - Belgique

La kosto estas 25 ecus. Petu ĝin kaj demandu la pagkondiĉojn.

EL BIALISTOKO, NASKIĜLOKO DE ESPERANTO

deziras korespondi precipe pri vivo de homoj en niaj landoj, kaj ankaŭ pri literaturo, turismo kaj arto:

Dorota Jurkin

ul. K. Makuszyrnskiego, 5

15-004 BIALYSTOK - Polska

SUKCESE OKAZIS IBERIA JUNULARA RENKONTIĜO

43 partoprenantoj el Alakanto, Finnlando, Germanio, Katalunio, Kubo, Madrido, Murcio, Segovio, Valencio, Vaska Lando kaj Zaragozo kunvenis en la tendejo EL SALER en Valencio, inter la 28^a de marto kaj la 1^a de aprilo.

Por akcepti partoprenantojn la organizantoj muntis standon kiu vekis grandan intereson de la ne esperantista publiko pri la renkontiĝo kaj la internacia lingvo. Jaŭdo vespere kaj vendredo pleniĝis de variaj agadoj: magistras lekcioj fare de Antono Valén, promenado apud la maro, oni kantis kaj ludis violonon, gitaron, fluton kaj buŝharmonikon, oni ekzercadis Aĥikido (defenda arto) elstaris longan piediron al la albufera marlageto, kie oni ĝuis belegan vesperigon kaj oni ludis tipan disfrakason de potoj.

Sabato 30^a estis tute dediĉita viziti Valencion. Tra ampleksa itinero la partoprenintoj amuziĝis kvazaŭ veraj infanoj en la fama parko de Gulliver, kun grandega kuŝanta statuo; promenis tra la ĝardenoj de la Turia rivero, rigardis la imponan kongresejon por la Universala Kongreso de 1993, Palaco de la Muziko; iris en la historian urbocentron kaj vidis antikvajn monumentojn; tagmanĝis en frateca bankedo la tipan kaj mondkonatan valencian rizon "Paella"; Ĉirkaŭiris la havenon per ŝipeto; projekciis lumbildojn pri junularaj esperantistaj renkontiĝoj kaj kongresoj, kaj ĝis frumatene oni restis diboĉante kaj ĝuante la valencian nokton.

Dimanĉe, okazis la laboraj kunvenoj. Rilate al la Junula Esperanta Movado oni parolis pri tri ĉefaj aferoj:

- * Pri la venonta renkontiĝo, estis propono ne konfirmi fari ĝin en la vaska lando. Lastaj novaĵoj pensigas pri 2^a Iberia Junulara Renkontiĝo apud la Iberia Kongreso de Esperanto en Mérida (1992) Meze de Hispanio, sed proksime je Portugalio kaj Seviljo.

- * Pri komunikado oni proponis sendi informojn pri junularaj agadoj al Marcos Cruz (CENTRA OFICEJO), kaj fari junulan apartaĵon en la bulteno de H.E.F. kadre de kunlaboro kun la maljunularo. Adreso de Centra Oficejo estas: Rodriguez San Pedro, 13, 3 P-7 MADRID E-28015

- * Pri la komuna organizaĵo, Iñaki Gauna daŭras kiel kunordiganto-prezidanto de H.E.J.S., tamen li rekomendis unue plifortigi la bazon, ekde la lokaj asocioj. La membroj de K.E.J. restis disponaj por partopreni en renkontiĝoj.

PRI ESPERANTAJ VERBOJ TRANSITIVECO

(daŭrigo)

Dediĉita al sinjoroj

Pascual Pont kaj Augusto Casquero

La problemo efektive, estas difini la transitivecon. Se mi ekdevus klarigi al miaj amikoj ĉi-koncepton, kiel mi povas ĝin fari? Ĉu estas fluaĵo de energio transiranta de subjekto ĝis objekto?

- mi prenas la broson
- la instruisto organizas kurson
- la lernanto skribas leteron

La afero ŝajnas facila ĉe rektaj objektoj. Sed Kiujn kriteriojn oni devas sekvi por identigi konkretan verbon kiel transitiva aŭ ne-transitiva? (1)

La koncepto "TRANSITIVECO" ne aperis, probable, en la "Unua Libro" (1887). Ankaŭ ne en la Universala Vortaro (1893), nek en la vortaro de Boirac (1909) kaj ankaŭ ne en la vortaro de Kabe (1922). Grosjean-Maupin en la dua eldono de sia Plena Vortaro (1934) dividis la verbojn je:

- * ne transitivaj (ntr)
- * transitivaj (tr)
- * transitivaj kaj ne-transitivaj (x)

Ni rimarkis kiel pli interesaj ĉi tiujn lastajn verbojn kiujn mi baptis kiel DUVALENTAJ aŭ KRUZUMAJ (ĉar kunportis kruzeton), sed mi demandis: kiel verboj povas esti transitivaj kaj ne transitivaj samtempe? D. Santiago Miquel, en nia Grupo, identigis ĉi-verbojn kiel *alterob-
jektaj verboj*. (Vidu Plena Analiza Gramatiko, paragrafo 177) Ĉe tiuj verboj "la objekto estas jen rekta, jen ne-
rekta, sen eĉ nuanca diferenco: obei iun aŭ obei al iu, rememori iun aŭ rememori pri iu. La prepozicio havas la saman signifon ol la akuzativa N". Alivorte, ĉe tiuj verboj estas indiferente uzi akuzativon aŭ prepozicion aplikante la 14-an Regulon kiu permesas anstataŭigi la prepozicion JE (kiel reprezentanta de la ceteraj prepozicioj) per akuzativo.

Sed esence ĉi-verboj ne povas esti transitivaj kaj ne-transitivaj samtempe. Tiele komprenis Waringhien kiu reviziis tiun koncepton kaj malaperigis la signon (x) sed li agnoskis pri "LA ELASTEKO DE UZADO DE L'AKUZATIVO EN NIA LINGVO" vidu P.I.V. pago XIII.

(1) Mi opinias ke oni devas akuzativigi objektan predikativon (jen rekta, jen ne rekta) nur kiam oni povas konfuzi ĝin kun subjekta predikativo.

Cetere el la antikvaj DUVALENTAJ VERBOJ laŭ Grosjean-Maupin, Waringhien TRANSITIVIGIS, inter aliaj, verbojn kiel aklami, aludi, anticipi, aplaŭdi, helpi, instrui, konscii, memori, obei, pardoni, peti, k.t.p. Ĉe tiuj verboj ni povas akuzativigi la objekton jen rektaj, jen ne rektaj. Ekzemple: aklami la aktorojn, helpi la mastron, instrui la lernanton, ktp.

La verbo MOKI ĉiam estis transitiva kaj Waringhien ne kuraĝis maltransitivigi ĝin. "Ne moku riveron ne atinginte la teron" (2) Sed li ja maltransitivigis ĈEESTI aŭ ENUI kiuj estis transitivaj antaŭe. Por tio, ne diru *Ĉeesti klason*, sed *Ĉeesti al la klaso*, nek *enui mian amikino* sed *enui kun mia amikino*, sed oni devas diri: *mi enuas la tutan tagon*, car "la tutan tagon" estas akuzativa adjekto, ne objekto. Kontraŭe KANTI kiu estis transitiva, Waringhien restigis ĝin duvalenta. Ankaŭ restas nun duvalentaj laŭ ĝiaj *malsamaj sencoj* verboj kiel konsenti, kredi, ludi, raporti, respondi, k.t.p.

Alie Waringhien MALTRANSITIVIGIS verbojn antaŭe duvalentaj kiel: apelacii (kiu regas dativon, ne akuzativon) ne diru *apelacii la urbestron* sed *apelacii al la urbestro*; odori; profiti; paroli, do ne diru *ĉu vi parolas Esperanton?* sed *ĉu vi parolas en Esperanto?* (laŭ tio la participo jam ne estas *parolata* sed *parolanta*, do, "*Esperanto parolanta*"); kaj ankaŭ la verbojn honti, miri kaj penti (kies nunaj participoj estus hontinta, mirinta, pentinta kaj ne la faktitivaj kiujn ŝatis uzi Zamenhof: hontigita, mirigita kaj pentigita)

Kaj mi demandus la leganton: ĉu Waringhien rajtas maltransitivigi ĉi-verbojn?... Sed estas necese akcepti ke la koncepto TRANSITIVECO ne ĉiam bone alĝustiga kun la zamenhofs uzo de l'akuzativo nek probable kun la postuloj de la belsoneco kaj bona stilo de nia skriba lingvo.

(daŭrigos)

Valencio-Ĉeste, januaro 1991

VALE

Edita: Grupo Esperanto de Valencia

G.V. Fernando el Católico, 45, 3ª - 46008 - VALENCIA

Tel. 384 96 16

Redactores: José Añó y Pascual Pont

Imprime: Estudio Puig - Planas, 12 - Valencia

Depósito Legal V-1683-1983